

檀華館詩集
卷三卷四



830945

檀華館詩集卷三

盤屋路德閨生

夜吟

健筆看將禿寒鐙且自挑此心游太古不語坐深宵歲月閒拋擲英雄耐寂寥從來著書者強半是無慘

贈別峰上人

貌與心俱古清談得未曾半生遊淨域今日見真僧冰解仍爲水鳩馴不化鷹雞園諸弟子誰與續禪鐙

蝶

檀華館詩集

卷三

一

短短紅牆未許遮一生贏得醉流霞幾叢羅綺渾如夢何處園林不是家任把輕狂欺柳絮可能遊戲到梅花衆香國裏尋常見紈扇分暎撲又差

蠹

割蜜走山崖山蠹怒相逐幽人不好甜蠹刺莫余毒

蠅

淨室何來酒肉香祇應飛集研池旁胸中墨瀋能多少黑子星星上粉牆

蝸牛

費盡微蟲力誰知造物慳短長雙角幻進退一心艱大化
氤氳裏生機隱約閒徑荒堆瓦礫地溼腐榛菅得氣蠕蠕
動藏形曲曲環居原同繭舍勢欲鬪螺髻不見腥涎滿空
憐外骨頑有時蒸溽暑急雨響潺湲階面塵涓淨牆腰粉
斑斑半生甘寂寞此日快登攀路覺行來滑身緣縮處彎
昂頭森作柱壓茵重如山銀篆麤成字泥丸孰閉關祇貪
高處好未肯半途還俄頃煙銷碧瞳矐日照殷螭伸空得
意鮒涸竟忘患漫說黏能固從來拂易剛坡公詩取戒莊
叟語藏訕歎息人如夢紛紜觸與蠻九攻夸勝算一圍聽

檀華館詩集

卷三

二

塵寰螳怒終何益蠅營總不閒但知趨便利誰解療痼瘵
老我忘機久憑人笑力孱靜中觀物化苔壁綠爛媼

歸

池館過新雨軒窗殷晚雷翠簾渾不隔紅燭若爲媒奇瘡
捫肌覺餘聲到耳纔虎狼翻讓汝倉肉會飛來

讀任昉傳有感

任君延譽競攀鱗死後諸郎葛帔貧莫怪憐才今日少才
人中有負恩人

雨夜

萬瓦喧豷雨似繩小闌獨倚夜凌兢窗前竹亞垂檐溜樹
杪花明隔院鐙池館廊宜環百步仙家樓合住三層但愁
蒼就疏慵爵欲駕颿輪恐未能

鄰犬

東鄰有黃犬猛健殆無兩見慣少嫌猜呼羣日來往夜靜
重門扃牆高一躍上入廚開釜驚竊肉罄盆盎飽愈忘貪
警追蹤絕影響庖人憤久積家僮技亦瘡當門具機械要
路設罟網巧伺將甘心奮擊必中穎我聞急禁訶若輩休
鹵莽有罪不至死輕殺無乃枉人竊尙可原狗盜安用榜
檉華館詩集 卷三 三

不見孟嘗客學狗蒙上賞

走筆

欲駕扁舟去其如風浪何避人知性褊入世悔情多坐對
冬烘客行逢春夢婆醉中臨鏡照槁面不曾醜

將公乾陽畱別刺史鮑鐵帆

珊 同年

記詠霓裳到廣寒紅綾還共識長安文章似有因緣在展
轉俄成主客歡同譜雖多知己少我書易讀教人難感君
投轄殷勤意六載乾陽愧素餐

染學曾聞似染絲談何容易作經師莊生自惹虞人詬

乾到

後時間謗言管子空慚鮑叔知廣廈深檐多土庇鄰邑從遊者院不能容增指紅杏凌雲見幾枝建學舍二烏薪白粲十八炊家人從至乾者多至十人陰鞭佗日牆頭

不將小技薄雕蟲郡閣論文兩意同豈解操絃彈古調居然斲木代良工書生面目風塵外病客情懷落莫中何事

關心勞北望燕臺駿馬正嘶風子遠兄弟時應順天鄉試

憫旱三年兩鬢蒼而今甘澍兆豐穰民沿秦俗耨鋤吝地接郊郊稷麥香牒訴無畱饒暇日詩書有報看諸郎愛君別有高人處不把金錢作宦囊

樾華館詩集

卷三

四

題曹莪妃少府舞甕陰

塞上秋高望眼開盡收風物入詩材怪君文字如翻水會看黃河天上來

荆璞隋珠世所珍甕雖蹋破未爲貧披君文字軒渠笑我亦曾爲舞甕人

詩人幽興寄池亭清夢年年繞越船陰向城南更城北黑

龍聽罷白龍聽時方修白龍池與南山黑龍潭兩稱勝地

官庖爲我致南烹魚膾豚蹏間菜羹今日讀詩如品味恆

饜香已勝侯鯖

落花 八首

玉顏何事惱風姨，卻向深叢故故吹。
埽徑僮僂霑露重，到門人悔賞春遲。
銜泥紫燕成新壘，叫月紅鴝過別枝。
騷客情多相對久，記曾來看未開時。

蒼鬚襯地墮無聲，柳絮漫天攪不成。
將卸枝時仍蘊藉，便隨風去也分明。
送春動作經年別，入夜誰爲秉燭行。
欲覓芳蹤無處所，思量應是在蓉城。

飄飄不作九秋蓬，天女天花散滿空。
舞向碧霄紛絢爛，化爲香霧靄冥濛。
繁華似夢惺忪後，來去如仙縹緲中。
搖落

檀華館詩集 卷三

五

還同開處好，此生端不負東風。

優曇一現是邪非，悵望園林但落暉。
綺榭香飄歌女扇，石牀紅繡臥人衣。
晚霞江上詩仍豔，芳草天涯客未歸。
縱是殘春春亦好，黃鶯未老鰕魚肥。

春山寂歷斷樵蹤，罨畫林巒見幾重。
晴日忽驚紅雨過，荒蹊都被絳雲封。
頓令小草生顏色，尙有空枝賺蝶蠶。
不恨飄零深澗底，花開曾在最高峰。

東風吹下玉闌干，最愛輕紅點碧瀾。
集處豈貪茵上好，開時原作鏡中看。
回頭亭榭憑誰主，退步江湖卻自寬。
萍荇

一汀相掩映目前榮悴較量難

讓佗萬葉翠帷張瓣落籬根土亦香餘事尙能成俊果綠
陰可惜少紅芳畫簾書掩窻鉞閣碎錦朝鋪響屨廊誰唱
一聲金縷曲折枝空憶杜秋娘

幾曾買賦費黃金兜惹詩家懊惱驗舞席歌筵鞞客淚長
門永巷美人心綺羅香重薰纔透雨露恩多感不禁聞道
隋宮紛翦綵過時紅紫尙成林

題魏蔗門孝廉

樹德

北堂續授圖

紡績復紡績紡績伴兒讀荒雞喔喔不得宿豈不念兒勞

檀華館詩集

卷三

六

愛兒異凡俗

解一

北風起兮霜葉飛掩蓬門兮長苦飢征夫

萬里兮何時歸兒年方穉母心傷悲

解二

紡成千縷絲張之

窗下機織成一匹絹爲兒身上衣兒身無衣兒寒猶可禁

兒腹無書寒母心

解三

紡多龜手讀多瘡口勸母無勤母不

許一月之日四十五不用和熊丸心比熊丸苦

解四

讀書兒

不凡秋風一鶚起急足搥門動鄉里兒名旣成母心喜堂

上績馨猶未止

解五

春暉何太促一旦悲風木書馨長不斷

績馨安可續忽聞鄰舍縑車鳴振觸兒心掩卷哭

解六

小病兩日飲食頓減煮粟米爲粥啜之甚甘

彌勒佛曾貪米汁先生竟抱河魚疾莫嫌腸胃太虛空一
日猶能餐萬粒

題慎莊畫扇

山泉當我門山雲蔭我屋雲水自無心衆芳生意足

會垣早發城門尙局靜坐車中口占一絕

轅下殘鐙半闕滅昏衢隱約見人家巖城未啟客先到已
是門中第二車

旅館率題

戶外屨將滿先生心自閒隔窗時聽水踞厠亦看山禮法

檀華館詩集

卷三

七

賓朋恕文章老病慳重門開洞達深夜不曾關

卓犖亭

亭上有閣

經歲亭前住今朝一倚欄樓高將俯視山近亦平看細路
分蒼野荒疇界碧瀾兒童休冒險吾膽已先寒

閭別峰上人圓寂

人傳上人死我道上升人生死者詎可作生前本無營佛門
守虛寂外此形與馨至今成佛者生死人難名謂佛今尙
在齒髮何處迎謂佛悉已化多事勤修行象敦徧東國梵
唄如雷轟上人佛弟子性海涵澄泓六根信不染頭白身

猶嬰

上人勢如蠶蛹舍弟上林嘗薄而觀之

崇仁舊說法列坐風月清退院

十三載南山莽崢嶸枯木寄幽壑安知霜雪擢一朝竟委蛻去住俱分明尚有禪餘詩我昔畱手評開編時一誦冷然解煩醒真僧無我相達人無世情莫將兩點淚空向西風傾

尋詩

茫茫大瀛海不見珊瑚樹榛莽蔽岡巒靈芝在何處珍產豈不饒前人盡搜去彷徨復彷徨我來已遲暮刻意欲尋詩終日無一句不如且逍遙機緣有時遇妙句不須覓意

檀華館詩集

卷三

八

外能飛來每於恍惚處心願爲之開顏開勿狂喜成篇良費才美人苦無偶佳客難爲陪

夜行

月落燈孤棲鳥驚荒邨鈴櫺夜無聲神叢乍見少年博鬼火時隨單騎行眼底窳隆俱髣髴心頭徑路尙分明嗟鞭來日重經過葉嶼花潭最有情

桃花

桃花開路旁卻怪馬蹏忙春水綠環隄曉雲紅壓牆愵愵一流眴眴九迴腸穿過竹林去重簾隱靚妝

壽張母魏孺人

湛華池水開鏡奩湛華書屋消夏炎張子徵詩壽大母諸
生競鬪才鋒銛介壽日已增繡綫作詩時未歌蒼兼張子
從遊五六載家範匪遠吾所瞻憶昔翁家正隆富紫標黃
榜勞親拈良人敏達少暇豫內政屏當無洪纖姑嫜倉性
諳已久孀居邱嫂忘猜嫌健婦持門百事理賢聲藉甚公
論僉郎君輕財重意氣膏潤不靳賓朋霑甘井爭汲勢先
竭債臺雖築身難潛受恩不報反速訟雀鼠爭逞牙肉尖
追呼火迫亭長窘縣令符牒何其嚴張子負笈在秦時勢

檀華館詩集

卷三

九

將牽掣同葛藟歛歛對我訴衷曲家累未忍拋書籤昔時
眾賓厭梁肉此日大母甘齏鹽椎髻於今變成素突煙從
此愁難黔我言此事汝無恐暴雨幾見崇朝淹縱有靈氛
且勿問天時人事吾能占文章光氣掩金玉書香銅臭安
可兼吾門已信得翹楚汝家何幸培樟栴母也有識更深
邃黃金散去神愈恬八十聰彊手無杖紡績往往隨剛蟾
稱身麤布勝紈綺法言在口餘盡箝鳩車竹馬做兒戲垂
訓奚翅鍼與砭古有三張今倍之眼前又喜曾孫添鹿鳴
野草動秋興健筆指顧揮風檐羽翼蒼成會一舉泥金燦

爛光窮閭爾時躋堂更稱壽
鰕生一笑掀疏髯何以咱我
野蔬脆何以酌我邨酒甜
我作此詩等操券小言自媿猶
詹詹

攜酒

攜酒眺原野夕陽烘晚晴
傍山幾邨落隔樹欠分鬪
行共路人語坐聞田水聲
黃昏未歸去鐙火遠相迎

緘口

此口宜緘媿未曾世途閱
盡益兢兢言深卻怕交情淺
權把心朋當面朋

檉華館詩集

卷二

十

白楊

直木人爭購霜斤匠石操
不才勝樗櫟欲上恹蟻猱
當路一株竦無風萬葉號
南山松柏盡梁棟讓君高

偶作

一回寒暑一回老萬疊雲山萬疊愁
看取咸陽原上塚人生何事覓封侯

木槿

莫漫愁零落朝霞復暮霞
暑風吹不盡一日一身花
仙侶矚綃帽美人油碧車
曾聞君子國紅豔照千家

黃楊 有序

世稱黃楊難長每年長一寸閏年則反縮一寸東坡詩亦云園中草木春無數祇有黃楊厄閏年以今觀之閏年特不長百非反縮也訊之園丁亦然萬物生於春長於夏斂於秋藏於冬無斂藏則生長幾乎息矣凡卉木以秋爲秋以冬爲冬黃楊蓋以閏年爲秋冬過閏卽爲春夏天之有閏厚之也非厄之也古有大椿以八千歲爲春八千歲爲秋莊生之寓言其觀化也深矣輿莊兩兒疊試春官

檉華館詩集

卷三

七

不第慮其不達於命作此示之

世間厄運卽生機莫與羣芳競瘦肥任爾黃楊逢閏歲勝
佗紅槿對朝暉潑油萬葉閒庭院礙路雙團古殿扉得地
豈惟松柏獨要畱深翠鬪霜威

人海

人海喧闐孰是非敢隨羣喙肆嘲譏匣中縱有吹毛劍不
到沙場未許揮

曹參

功名仗韓信法令踵蕭何將相固如此因人成事多

論文示關中諸子

軒帝開草昧乾坤洩珍符周公起中古官禮垂範模創物
秉神智萬象歸洪鑪豈伊有缺略後人煩補苴誰知後人
心獨出無古初輕騎利轉戰蒐乘無乃拘柔翰便書寫削
槩無乃迂運會未開時至人難預圖斯文在天地炳若星
雲敷作者代相望魄力雄萬夫吾生亦已晚恨不同馳驅
物窮有變通異境開崎嶇青出或勝藍圍破仍爲觚不見
今所有半爲古所無花瓷製益精鼎俎非所需木棉用尤
夥麻桌何其麤穀種奚止百不載汜勝書菊名動逾千不

檀華館詩集

卷三

三

入陶公廬造物豈有盡新舊相乘除前人將不衣後人休
向隅生機萬萬古曾不停斯須君看天下人面目人人殊
若使摹倣之翻恐天公劬奈何屬文者不自求歡娛探囊
更肱篋餘唾還借濡因人以成事自命何區區不爲囊中
錐乃爲轅下駒望古意先阻咋舌驚韓蘇韓蘇詎不偉千
載人已徂論文眞吾師相敬不相諛吾心自有文未旨相
規摹文心竟何似碧海涵清虛有時朝日升萬頃金光鋪
有時天籟作窳窳酣笙竽有時樓閣湧蜃氣爭吹噓有時
島嶼見仙境開蓬壺海底何所有百寶光怪俱鐵網憑爾

塞樹樹皆珊瑚蚌胎恣爾采粒粒皆明珠縱令著千卷此
心仍有餘豈復叩人門借貸求錙銖臨陳吾自戰安知孫
與吳臨池吾自寫安知褚與虞有腳任吾往肯逐佗人趨
嗟嗟二子殷勤勞問途靈犀在方寸努力毋踟躕蔑古
一何陋泥古一何愚古人須善學切莫忘真吾

題葉小庚

申蕪

同年天籟軒詞後

秋士悲秋久閉關捧君詞卷笑開顏怪來筆有風雲氣曾
唱鏡歌撻鵲山

綺語刪除見未曾當筵漫索別銀鐙新詞不肯酬歌舞半

櫻華館詩集

卷三

三

與江山半友朋

雕鏤最易失天真翦葉裁花苦鬪新唫到聽琴圖裏句張

三中後更何人

集中行香子詞有憶詞中句簾中影畫中髻之句

冷花狇鳥四時宜爨女蠻童一路嬉作吏休言聲價減才

低頭處便揚眉

和陸明府云宦海風波況文人一行作吏更銷聲價新舊寄巢云笑歸巢烟舍但求

容膝何媿低頭

穩過瞿塘灑瀨堆風檣一瞥楚江隈從今不按蘋洲譜黃

鶴樓頭弄笛來

世路無如宦海危卅年不恨擢官遲阻風阻凍渾閒事穩

坐蓬窗改舊詞

酒舫歌船梵寺樓湖山勝處好淹留似耽北宋詞豪放才
別杭州又汴州

行部歸來對酒罍坐衙退後伴書檠好官誰似河南守二
樂圖中過一生

兩宋詞非元代曲歌喉豈爲便梨園如何風雅場中客拈
韻偏宗彙斐軒

自將明月祝坡公

卷首東坡生日詞云祝公千古明月此語疑有神助

一瓣心香一

卷中鐵板關西今絕響空勞君唱大江東

櫳華館詩集

卷三

四

話別燕臺閱幾春論文猶是謫仙心大羅天上重回首我
亦霓裳隊裏人

題李節母胡宜人傳後

象服虬費雲錦章九霄幢節驂鸞凰 旌闈勒石衢路香

德門節母垂表坊荃蕙爲質冰雪腸結縞綺歲賡河魴入

門爭返祥女祥質剛拜見歡尊孀孀病久呻臥牀焦然

操藥調溫涼衣帶不解匳不張卅六晝夜辛苦嘗良人敏

達資贊襄鳳簫中斷長相望珍食滋味同糟糠誓將虀蟻

歸北邙蘭茝在室萱在堂婦職代子勤弗康折衷有教兼

義方恤緯廿載謀其臧菴施之草心已傷一朝委化悲秋
霜郎君才富文陣強早舉芹苴遊膠庠今年秋試掄才場
興豪力猛光燄長更賈餘勇歌慨慷古風七字追柏梁干
言絡繹揮翰忙明月駐景星無光矮屋長嘯聲琅琅一時
觀者如堵牆小儒咋舌相驚惶君才可升斗量疾風鷓
退終必翔大霧豹隱行且彰偶然失意休彷徨匣中寶氣
騰干將無事且自韜鋒鋌谷神靜蒼母相妨況有萬卷羅
縹緗吉金樂石紛在旁閉門坐擁如曹倉轉眄又屆槐花
黃木雞一出誰敢當良玉會見成珪璋 龍綸重疊宣瑤

檀華館詩集

卷三

五

閭墓門展拜剡椒漿母爲滂母兒爲滂九京含笑願償
濡染大筆清芬揚穹碑屹立松楸蒼盛事豈獨誇粉鄉藝
林傳播長不怠君不見歐公一表畱龍岡

題王竹航

利亨

琴籟閣詩集

六首 粵東嘉應人

不解宮商豈解陞七條絃外想餘音卷中眞箇饒琴籟彈
出成連海上心

作郡中年便拂衣宦場早悟折腰非炎洲翠羽羅浮蝶都
向先生筆下飛

海樓迴望木天遙曾與羣公賦早朝畢竟難忘疇昔事謫

山仍唱曉仙謠

難得詩人即畫工要將浙派壓東見集中書欲知粉本

從何覓只在雲煙變滅中

掃去陳言便不刊千秋作者遞登壇後人漫把前人讓當

日江山不姓韓時主潮陽書院

絳帷開處列陰寶荔紫蕉黃色色新笑我盤中堆苜蓿無

緣暫作嶺南人

張苻航河帥井以先世中素東白兩先生遺翰石刻

拓本見贈題五絕句

櫻華館詩集卷三

去

節樓摹搨召良工駿烈清芬兩卷中行徧江南更江北一

時拍手唱秦風

珍藏故紙等璠璣不遺遺文飽蠹魚二百年來今始見元

和新樣柳家書

文孫持節大河孺航海詩成萬本傳記取桑乾河畔路前

人此處試烹鮮中素先生牧趙州值桑乾河決宣防悉中機宜趙民賴之

清白家風歷再傳妙談人鬼勝談天東白先生遺友人書有似人非人似鬼非

鬼之語文甚奇幻婆心更欲砭斯世崇儉文章第一篇卷首崇節儉論

漢家銅鼓寄焦山河帥得伏波銅鼓送焦山寺藏之宋代珍圖挂壁慳東

坡與可墨竹巨幅各一
藏之因顏其齋曰二竹
此帖料應關不住憑將拓本散人
間

題查九峰廉訪家居自述卷後

陸戰功易收海捕計殊左奮擊洪濤中巨艦互衝簸兵勝
賊早逸追蹤氣先悞海面大於地一夫誰能那出沒類鮫
人貪殘劫商貨蠻女縫旆旌島民給秬糯樓船上來儻
忽驚電過豕蝨俱已焦鯨魚猶未判峩峩司馬公衆唱獨
不和力陳受降策務使羣疑破毅然竟獨行諫止謝僚佐
緣梯登盜船正襟踞高座隔簾泣孤孀鳴鉦合諸邏開陳

檉華館詩集

卷三

七

言豈億羅列拜非幾計決願投戈機圍如轉磨蹠徒九千
人解散不畱箇礮車雲盡收霜刃血無宛當其赴賊巢坦
行念坎壈豈擲千金軀成功手一唾力定謀自周識高瞻
乃大間警一城譁出險羣吏賀海內豔奇勛豈惟八閩播
露冕入函關清風灑塵堞惜我困沈痾無事日酣臥夙昔
慕班超壯懷今已挫晴窗披此編高歌起慵惰

潑水刀光對笑譚受降安用築城三運籌坐使鯨波偃冒
險親將虎穴探赤手成功諸將媿白頭作賊幾人甘到今

閩粵妖氛豁賈舶乘風大海南

題查九峰廉訪紀事詩卷後

宦情閒似信天翁
兵事忙如火熬蓬
漢代論功誰第一
鄼侯轉漕在關中

廉泉滿貯玉瓶深
暮夜門前屏足音
卻怪市中喧鬧處
有人白晝攫黃金

金馨吾秀才竹林放鶴圖

我披此圖一長歎
仙禽豈是人閒玩
生無孔翠之衣鸚鵡
舌主人漸作家雞看
遊澤避雲羅棲林懼金彈
更有一種人煮會琴可爨
瑤臺萬里歸去來
何不將身遊汗漫
金君

檀華館詩集

卷三

六

書記舊翩翩
茗幙揮毫據杯案
秦山晉水久離別
相見欣然頭不冠
數椽茆屋買未得
那有竹園簷
修幹妻兒忍口減
盤飧鶴料豈能長
不斷無端寫圖勞
畫師奢想如君真
獲尊嗚呼此意我心知
畫餅充飢聊一粲
我有狂言君且聽
丈夫安能老鄉閭
壯遊有願當及時
況今百年已強半
五嶽峰巒嗒百川
流浩泔酒舫沸笙歌
仙山起樓觀
芭屨踟蒼苔
何必騎款段
簪笠蔽驕陽
何必張錦幔
若待衣倉俱足婚嫁畢
祇恐碧海揚塵白
石爛世閒萬事難
自由惟
有兩腳隨
腓手隨挽
莫言毛羽漸
凝氈坐使纏索苦
羈絆

君不見圖中雙鶴作勢飛纔出樊籠卽霄漢

晏貞女詩

有序

貞女晏氏涇陽人與余門下士牛孝廉振警同里幼字李翁子九春女早失怙恃九歲童養於李家未成禮而九春出居巴里坤久無音耗有傳其已死者翁令女佗適女不可苦十指蒼翁及孀數年翁孀沒盡鬻其產營喪葬自是貧無立錫寄食於陰趙兩舅家兩家曰益困窘欲嫁之而知其不可奪相與謀曰若得一佳壻庶幾其欣動乎適孝

檀華館詩集

卷三

九

廉喪偶媒者以爲言孝廉詫曰此女心如鐵石吾信之素矣今安得中變必有故使一媪之女家因問焉女殊茫然媪以白孝廉孝廉曰吾固知此女之不佗適也但無田奚以養無養奚以守乎因割地十八畝爲女養贍資女不受使陰趙往往返三數次終不受乃集里中士人親至女家開陳大義而後受之女取從兄李遇春子爲子孝廉就遇春家爲女築室四閒親撰事略授鄉人之有事於巴里坤者令於行人輻湊處徧貼之冀九春觀聞先

是九春在外聞父母俱終晏氏鬻產旣盡適蔡家
堡李某九春不勝悲憤誓不還鄉忽於通衢壁上
見涇陽晏貞女事略泫然曰吾負晏氏且負牛孝
廉矣急束裝歸與女成夫婦之禮涇俗善賈客西
域者尤多流落者輒終身不返妻不能待往往佗
適其聘而未娶者母家每改許人夫家不能平輒
訟之官及聞晏女事乃歛歔感慕自覺其非縣令
聽訟時輒舉晏女事以激勵之風俗爲之一變至
九春弱齡出忝聞親喪而不歸歸未成服而合昏

檀華館詩集

卷三

三

風化有乖不足辨矣余之詩爲貞女作也

人生離合如此奇處女四十纔結褵李郎出叵猶穉齒妾
待李郎誓以死待郎不歸妾老矣果贏無子螟可續欲耕
無田止無屋蓼不知辛荼亦甜玉成者誰牛孝廉東風吹
度八千里遠人感泣歸程兼此事流傳共稱快守者益堅
嫁者媿貞女之心不可奪大節豈惟勵閨閣志士聞之奮
然作

卓海帆先生華嶽雲開立馬看圖

蜀山尖尖萬點碧燕山雄踞東北蜀山已過燕尙遙三

峰突兀排青霄先生少年遊

帝京聽雞七度潼關城

馬上看山久不厭泉紳石劍高分明今秋奉

詔西南

去紅旆逶迤繞秦樹童叟側肩官吏迎此是公車舊時路
蓮華峰下仙者宮山靄益益雲氣中玉羊赤驚去儻忽高
掌遠蹠俱朦朧星軺經過頓開朗雲駕俄頃回豐隆宗正

二星近

帝座豈待呼吸方能通

時官宗人
府丞

況聞名山

帝之輔五嶽受職如三公潤澤羣生贊元化一草一
木皆神功蒸爲霖雨開成霽先生心與山雲同我昔停驂
蓐收館笑視崎嶇厭平坦當年意氣薄雲天此日心情恹

櫻華館詩集

卷三

三

曠嗟苦無珍藥醫詩脾空把金篦刮病眼邇來棲息塵市
閒欲出不出雙扉關太乙咫尺阻清眺五千仞嶽何時攀
不學希夷無事日高臥亦不學魯女館麻求駐顏但願仙
人借與九節杖令我徧遊天下山

題張芥航河帥 願遊二圖

鄧尉看梅

我愛林處士種梅特傍孤山孤又愛陸放翁化身分伴梅
千株公領宣防豈有暇願遊亦繪梅花圖小憩訪光福幽
探越銅井觸石鏗唵筇隔水喚漁艇雪霽風定朝日升滿

身寫徧梅花影上有雙峰高插青冥間下有太湖澄波三
萬六千頃山光紫翠波光剛併爲花光助清冷有時下不
見湖上不見山白雲一片春漫漫鐵腳道人到此不得出
但見縞衣仙子面面相遮闌江南花事饒茲遊乃稱最眞
境信可樂觀圖情亦快公愛湖山兼愛梅手披一卷清光
來園林縱起千樓臺水石競秀花爭開人工不及造化巧
看花須向湖山隈昨日延賓殿東閣高架盆梅侑春酌紅
粧綠萼豈不妍拳石何堪較山嶽此去春明春正奢滿城
桃李喧蠶衙豐臺芍藥更奇絕曉市絢爛堆紅霞 御園

柳華館詩集

卷三

三

蹕路淨塵壙瑶林琪樹枝交加鄧尉之遊未知何日踐
走馬且看長安花

我翁望雪

黃河之水公所導遊興乃溯江水源江出高岷口如甕旁
連峩峩雄且尊我翁雪消下山去江南江北春水溫公持
使節駐河上畫策力挽狂瀾奔 天子脊倚作保障東
南萬叟歌公恩華堂森戟鬱唵興豈容結字休山樊卽今
乞假返桑梓終南陰嶺橫當門太白積雪望不得安得萬
里攜琴樽公之奢願無乃太足迹未到胸已吞雪山處處

盡堪賞日炙會見流潺湲三峩延袤滿千里上凌霄堦參
可捫積陰萬古散復結瞳矐任對樽桑暎高齋几淨展圖
畫開口一笑疏髯掀神遊奚必蠟雙屐駕何用迴北轅
此身不覺在畫裏一白照眼茫無垠人間埃壒杳何處但
覺清氣盈乾坤松杉萬樹溷難辨岡巒稠疊堆瑤琨八十
四盤走一綫百十二洞誰守闔宓戲女媧叫欲出白羊仙
者來軒軒惟有坡公不可見朗吟遺句澄心魂我披此圖
興俱往飢對畫餅如饜膾作賦梁園逞白戰尋詩灞上歸
黃昏危磴慣躡樵子路老瓦幾醉田家盆平生意趣頗清

檀華館詩集

卷三

三

絕鴻飛可惜無爪痕公今謁

帝向金闕賈讓三策胸

中存徐揚之民恃無恐壯遊汗漫安足論下流疏瀹上無

壅九曲水駛龍蜿蜿尋源何須學漢使遠探星宿遊崑崙

嘉慶甲戌十月乞假歸省夜宿臨潼旅店與內子挑

鐙對酌得絕句九首題壁聞雪泥鴻爪久不記憶

道光乙未五月鮑子遠以十二筆舫雜錄見示九

詩俱載其中卷端署東萊勺洋帽蓋萊人而官中

州者嘗轉餉甘肅抵臨潼見余詩錄之而去無端

題詠幸遇賞音二十年前遺忘之作竟得復覩文

字有緣其信然與爰命慎莊補錄於詩稿中勺洋
姓名未詳

年來消受馬蹏塵一路鄉音聽漸真此去青門無百里不
妨權作已歸人

晚來濯足小滄浪道是華清第二湯腦不冬烘腸不熱溫
泉浴罷也清涼

聽罷雞鳴曉度關五千仞嶽未曾攀看山卻比登山好山
白崎嶇客自閒

燕姬衛女漫相嗤訴盡琵琶我不知說與細君高舉燭先
檉華館詩集

卷三

三

生壁上要題詩

誤將遠志換當歸回首從前事總非望望白雲親舍近倩
卿重整老萊衣

半盃塵羹莫療飢破牀斜倚土牆支敢言行路增憔悴記
否牛衣對泣時

薄宦追隨四載餘雞鳴代聽早朝初米鹽瑣屑郎休問畱
得工夫且讀書

無米爲炊畢竟難累卿頻把嫁衣捐算來差勝齊人婦東

郭郎君未乞憐

夜寒爭耐粟生肌
沾得春醪飲不辭
不是客中貪一醉
風霜珍重五更時

送何寅士同年

巡撫滇南

去年分陝莅關輔
旌幢又指天南頭
詔書朝下暮已徧
滇人喜躍秦人愁
昔在滇有美政和
神爲春清爲秋平
理清讞衆所仰
犵獯伏獐獠謳
昆明之池跨三郡
近水豐壤開平疇
穀穗二百八十粒
餘糧棲畝無鼠偷
瓜實如斛茄如斗
四時花卉紛盈眸
地高頗覺星月太
冬煖不畏霜雪稠
我聞滇南本佛國
香杪百圍枝幹修
阿育王塔

檀華館詩集

卷三

五

八萬四寶剎雖毀
基仍畱古佛不見
見今佛定力堅固
神能周舊地重遊
意頗愜早曠翻爲
吾儕憂瀕行攢眉
向我道十日不雨
無來麩心香一瓣
日虔禱時視柱礎
聽林鳩卽今去秦
有餘念可知在滇
無淺謀部民依然
舊赤子望塵含笑
迎八騶大僚小吏
半相識妍媸對鏡
誰能瘦惟有銅坑
與鹽竈剔弊總仗
能燭幽里人有病
病猶淺良醫一到
行且瘳賤子中年
染沈痼敢云高尚
耽林邱精神耗費
竟何益苦鑄楮葉
雕棘猴十年樹木
豈易事安得棫樸
充薪標越酒頻教
恣酩酊郇廚時復
來珍饈皋比坐擁
非所

願豬肝重累何時休祝公政成贊
綸閣獻替可否宣
皇猷霖雨奚獨灑秦雍川嶽會見歌懷柔債臺雖築
且勿願貴而不貧眞贅疣

陸剛府詩

循吏若慈母小民若嬰兒慈母儻有失嬰兒將付誰陸君
宰平陸惠澤淪人肌正容物自悟不勞鞭與笞無端地大
震掀簸如揚箕一震死者衆再震將無遺誓將以身代瀝
誠訴神祇神祇竟不應劫風吹復吹百里半坼裂萬戶同
顛危拯救恨無術坐視心更悲決計踐前誓夜半無人知

檀華館詩集

卷三

美

烈士重殉節將軍甘死綏君不在此例輕死良非宜使君
竟不死畱身將有爲灾區痛未定民病資良醫奈何輕一
擲性命畢青絲我聞爲君惜人言滋我疑爾時當道者謂
君情有私此冤待誰剖 聖人昭雪之下情不可壅天
高能聽卑士民臚德政愛戴非諛詞守牧交口贊慈惠眞
吾師一死儻可借平生將誰欺乃知仁人心不爲流俗移
愛民情苦短誰肯爲其癡賢者縱云過黠者安得訾凶患
與民同煌煌 天語垂

送查九峰廉訪南歸

丈夫立功名垂老志豈挫功名果不朽出處俱可負大海
輕波濤平地防坎軻翻然整歸裝春雨灑塵堞故山言復
青相對笑顏破十年歸夢勞今日乃眞箇

族庖月更刀庖丁笑其旁操刀試一割觀者如堵牆問君
何能爾乃中宮與商干牛待君解更拭鋒如霜庖丁笑而
言善刀吾其藏

愚者競田宅達人慕山水山水果能佳田宅不必美東南
名勝區登眺在尺咫豸冠易櫻帽朝鞞換芒屨縣令忽然
來冠裳陪坐起鄉人且莫驚對官聊爾爾

檀華館詩集

卷三

三

天然棚

有序

講堂後高樹成林濃陰四布東北隅有屋三楹頗
軒敞設几榻其中爲客位小暑將至僕人請架涼
棚余指院中綠陰曰此天然棚也架棚奚爲賦五
古一章記之因顏其屋

燥椽傍檐排敗席當空布屋外更起屋院落少生趣我心
殊不然惟愛綠陰護前人同我心辛苦植嘉樹大可蔽炎
歎妙不隔風露蔭密暑方來葉凋暑已去冬日紅滿窗坐
中領和煦舒卷俱不勞暑寒兩無懼適意貴天然安排豈

曰暮高棚一日成喬木百年度萬事當預爲猝辦動成誤

王母撫馬氏孤兒圖

有序

綏德馬樹堂不基己未進士官刑部主事與其室
劉宜人先後卒於京師遺一子甫彌月孤貧無所
歸其同年友大荔王小邨方伯廷華時官兵部主
事收養寓中令楊夫人撫育之稍長教以讀書弱
冠爲授室甲午應京兆試中副貢時方伯已卒而
楊夫人猶健在芮川繪圖索題爰賦二律芮川名
寵三官岷州刺史方伯子也

檀華館詩集

卷三

三

一髮千鈞勢甚危力非嬰白孰能支大負自有同心侶慈
母偏憐異腹兒桑隕便將螟子負竹深還念鳳雛飢胸中
何處分畦町說與人閒娣姒知

曾伴諸郎戲綵衣壯齡猶得被春暉嘉嫺更喜名閨助文
陣俄看健筆揮此日白眉眞不忝當詩黃口竟誰依獻歛
二十年前事多少秦人視瘠肥

孫昆園先生

景曾

江湖高枕圖

萬般嗜好幾時足生長杭州卽是福不知苦被何人驅驅
向塵埃走碌碌眼中豈無好山水妝抹何堪比西子曠達

孰知賢者心不把荷衣換青紫初仕在燕趙壯歲臨衡湘
熬波海水變露冕仁風揚七十二湖水激灑四千餘丈峰
巍昂坐衙行部鬱遊興鷺朋鷗友盟難忘政成報最忽歸
去到家兩鬢青無霜繞郭荷花夾隄柳左江湖樂無有
期山期水千萬圖此邦山水人難摹林下逍遙三十年遊
人望之驚神仙元九謫居偶到此猶以州宅誇樂天矧公
寄興在桑梓耆英高會來羣賢如斯奇福世所妒天之愛
公無乃偏君不見隨園叟不住西湖住鍾阜又不見吳祭
酒老客揚州十年久二公豈不懷故鄉吳山越水遙相望
檉華館詩集 卷三 元

其他天涯地角靡不垂欲歸不得徒彷徨或縮半通綬或
爲入幕賓風土漸熟意頗戀子孫竟作佗鄉人我生舊有
壯遊志談到江湖輒心醉薄宦歸來耕研田鏡裏須眉日
顛頽此身願置圖畫間此生自笑緣分慳遊仙之枕儻可
借歸家高臥終南山

題百歲壽母賜果圖爲李時齋孝廉作

時齋名元春朝邑舉人母

張大孺人壽登百歲時齋亦六十有七矣

世間奇事眞咄咄母也朱顏兒白髮朱顏白髮歡相依一
家四季恆春暉使母生大賈終歲營營爲阿堵使母生貴

官出山遠志還山難壽母有子爲人師生從濟濟環階墀
出擁皋比據上座人受甘旨猶嬰兒母昔蒸麩和野蔬今
也問字之酒束脩之羊羅滿廚昔鸞簪珥爲兒買書兒今
讀破萬卷爲通儒葛巾蕉扇侍母側繪出儒門銷夏圖兒
年雖邁童心尙在仙桃一顆遙相投王母不待東方偷對
母大嚼母色喜豈惟萱草能忘憂陸郎懷橘夙所欣潘岳
捧輿安足論孩提時事不可憶垂老猶荷慈母恩垂涎者
誰兩旁立竊語時復間曾孫曾孫男曾孫女欲分甘母不
許

檀華館詩集

卷三

三

贈劉柏園

憶昔嘉慶歲丁卯我應秋試趨風檐士子八千人未已號

舍半萬容難兼

是科無軍及學使議凡遺才未錄者皆令人場

大令先時苦籌畫

架棚聊避秋陽炎是夕傾盆雨大至滂沱纔住仍廉纖敗

席萬孔安可蔽水深及踝衣裳霑終宵坐立苦無處欲出

不得功令嚴紀作踐水已可弔趙羅臨陣還病店咫尺號

呼不相顧驟點滅燭雲韜蟾我幸早入據矮屋伏枕不寢

哀危陷萬間廣廈構胸臆空言無補聊詰詘大庇寒士恨

無術攻文安用毛錐尖忽忽二十有四載

道光辛卯

撤棘又見

新孝廉間道闡中異疇昔瓦屋鱗次新增添青珉爲路拭
如砥瑩潤直可磨刀鏤長廊四注雨不到輪奐奚止崇觀
瞻我今主講到鬢序大肚乃應義爰占後院四楹貯梨棗
西舍十櫃排簡籤淨室窗窗倚髯几深巷戶戶垂筠簾常
餼六十又增倍廣給新米充齋鹽枵腹豈能飫經史昔也
不飽今屬厭如斯盛舉問誰有西河一叟頎而髯義田久
已瞻同姓仁粟時復周窮閭善行悉數苦難罄嘉惠尤喜
多士霑書生愈貧固其分投刺久被豪門嫌間瞥望影遠
相避誰溯秋水歌蒼兼鮒魚甘向轍中涸文豹長此山中

檀華館詩集

卷三

三

潛世情吝嗇那足道俗巨豈畏鍼與砭叟也好文禮寒峻
德色鋤盡言尤謙乃知樂善本天性鵠不勞浴烏不黔信
矜德厚福可載拂龜奚事卜正詹康彊豈獨享奇壽詩書
有報難久淹種穀得穀豆得豆庭階會見森樟相於戲我
言豈臆斷 聖朝文教方摩漸槐花已黃舉子集歌祝
定喜同馨僉

白溪亭司馬遺神木醕酒賦詩爲謝

一樽瀲灩指牀頭分與詩人快入喉醉臥花間無箇事官

閒孰似白江州

新闢衙齋地數弓栽花爛漫隔離紅甘霖灑徧人心定太
守無妨作醉翁

偏與尋常越酒殊估船南北水程迂

神木產鹹水運至浙
售之市紹興酒而歸

較佳販
味尤美

不須更訪山陰去杯裏分明是鏡湖

泥金報到壻乘龍遙想椿庭喜氣濃飲罷醕醪實既醉奢

心還欲乞黃封

令壻涇陽張思南市
新成進士入翰林

王勉齋明府吳山觀潮圖

有序

勉齋以布衣游京師前後二十餘年余官戶部時
暇與游讌嘗宦江右又之吳之越南抵嶺南足迹

櫻華館詩集

卷三

三

半天下世路險巇人情冷煖飽嘗之矣今來青門
訪余寓齋問其行則已名注選人將膺民社余喜
甚畱與持螯對飲席閒出觀潮圖屬題余披圖觀
之笑曰宦海風濤有如此畫何必吳山第一峰乃
見侯波合戰哉萬馬千車齊足竝馳一線濤頭俄
頃萬變不似潮汐往來猶有晝夜子午之可候爲
君計者力能捍則捍之不然則避之慎勿學弄潮
兒權一葉輕舟與江神海若相狎翫也古人贈言
不尙諛辭爰題二律卽以送別勉齋其勉之勉齋

尤當慎之

誰把潮頭射羣公方聚謀一枝枚叔筆八月廣陵秋老我
鬱奇抱羨君成壯游築塘何日就一慰 聖人憂
縣令宰百里與民憂患同願將辟爛劍當作錢王弓撫字
先除害循良莫諱窮江湖波浪險風順好收篷

俞陶泉都轉

德淵

水窮雲起圖

水流安有窮雲從何處起未起豈無雲窮處水方始摩詰
晚好禪託興聊爾爾君也經世才書意安所指人言君達
人澄觀洞元理軒冕非我榮了然悟生死知將歸道山先

樞華館詩集

卷三

三

期召畫史我意殊不然君心豈如此少小罹艱辛中年乃
登仕翰林爲宰官干鎔新礪砥聽獄民無冤救荒患胥萌
哀鴻化爲鳩惡鴟馴若雉存擢二千石大僚腹心委待物
絕猜疑見事澈底裏議政節樓下謔譎不輕唯無端領鹽
官方矯肉倉鄙江南財賦區末俗競華侈商民力不支揚
楚運方否琴絃勞改張爨薪定須徙願分 聖主憂甘

受俗人詆悉心權度支奚獨飭簞簋潤物如此雲蒼源視
此水礎潤霖雨來源清流不滓假君三四年鹽汰庶有多
積弊窮纖毫禹筭當倍蓰豈惟帑藏充坐見風俗美天平

竟不弔惡耗駭幽百循吏今豈無斯人安可企水流雲在天對此念君子

上天之雲氛氤氳注溪之水溶溶汙水有窮時雲有起處時卷時舒自來自去騰而爲雨流則成渠偉哉造化厥功不居雲能雨人水能潤物我思古人遇諸髣髴水分衆派孰泝其源雲升九霄孰尋其根千頃之波始於濫觴涓滴不斷極乎汪洋三日之霖肇於膚寸觸石而蒸向空而噴水從雲鍊雲從水生孰先孰後人安能名想君之心如是如是寫貌於圖聊以託意寫貌則易寫心則難我知

檀華館詩集

卷三

三

君久欲言忘言觀水懷君君安可作灌溉既畢放乎大壑看雲憶君君安可攀見君出岫不見還山水豈有窮雲亦無盡崇祠峩峩令名不隕

君入祀名宦祠

兒說維揚樂事偏歐陽公後又坡仙君心別有難忘處不繪邗江繪輞川

雲容水態共夷猶雲自無心水自流惟有好官居不易萬人歡喜一人愁

欲繪君心下筆難看雲聽水向山樊雲纔起處已含雨水到窮時方是源

俞陶泉都轉課耕圖

書生耕研田磨人卻是墨邨農耕野田荒年有菜色賢者
耕心田膏腴無垸墻民物滿天地賴此遂生殖三田君盡
耕何者爲上策敷歷二十年江南復江北萬事求諸心銳
意拯艱厄邇來領鹽官獨坐時感額商困民益窮家肥國
乃瘠譬如一局棋敗壞自疇昔國手雖云高挽救費籌畫
輸課歲有常安能聽虛擲善書肘被掣健步足偏躑簿領
堆如山何由返阡陌軒冕羈此身豈容換襪袂伯氏在家
園課耕詎不力勤素畱古風天嘯喚主伯君縱能爲農此

檀華館詩集

卷三

七

事豈君職況今東南人奚止百萬億賴君得安全口碑常
不泐嶽嶽林中丞仗君如六翮大政勞諮諏羣僚歎忠直
觥觥陶制軍重君勝尺璧入覲 明光宮鹽筴對尤悉苦
道君賢勞 天心爲君惻代庖豈無人好官難再得君

歸恨不早二公安忍釋胡爲勞畫師秧水寫春碧戴笠者
何人一見我先識想君蓄念久野趣盈胸臆自分願難償
披圖聊悅懌乃知霖雨人亦有煙霞癖不爲巢與由當爲
高與稷使其緩須臾事業安可測朝野望殊殷音容儻已
隔丹旒來青門目病我方劇生前共三雅死後缺一滴別

來今十霜讀畫長太息豈獨感私交我爲天下惜

山人但耕山上田澤人穫稻臨清漣高田苦旱下防潦安
得處處歌豐年昔君綰墨綬賢哉衆人母二邑稱神君三
郡得良守聽訟多平反拯荒倍忠厚故鄉薄產安足論廣
種情田萬萬畝有時勸農巡四鄉走馬春風入花柳無端
養海來維揚時方彫敝元氣傷鹽田鎗利人所羨昔也太
熟今奇荒舊弊已汰十八九積滯不太空彷徨從古宦途
多坎坷賢勞如君無乃過好官原爲蒼生生萬人操作一
人課上紆 宵旰充度支下阜閭閻足稔穠安能扶犁

檀華館詩集

卷三

美

驅犢休田園芒鞋一雙笠一箇何時寄興圖此圖抽身忽
向綠陰坐欲辭邗水歸秦川翻遣吳人唵楚些我昔兄事
君君意一何真今看畫圖裏猶是當年人傳語諸郎勉磨
厲循吏兒孫美相濟君不見農田有豐兼有荒惟有一寸
之田無惡歲

政成爭奈此心枯舊國田園尙未蕪世味深嘗耽野趣宦
場久歷羨農夫補牢太晚難爲計戴笠無緣且繪圖問道
南人今墮淚悲風豈獨動枌榆

海人辛苦枉熬波積滯難銷喚奈何漫道蕪城能鎗利鹽

田從古誤人多

題胡碧園

國濱

觀穫堂詩後

子篠碧元瑛
官藍田令

想見唵成笑撚鬚宦游南北信雙鳧吾家間有編蒲客賞

雨曾陪倒玉壺

卷中有和路
慎五喜雨詩

楚天南望渺無垠到眼雲煙色色新解得瀟湘翁筆意詩

人原是畫中人

卷中有與王
逢心唱和詩

成詩應不費推敲斷句零章信手拋為問辨香誰奉得一

編先有阿咸鈔

湓浦廬峰勝境開十年林下樂銜杯順風正好收蓬去曾

檀華館詩集

卷三

三

歷江河惡浪來

有河干
卽事詩

晚歲天教產石麟到今仍現宰官身開編還為先生賀觀

穫堂中冑穫人

訟庭閒對兩峰寒二曲今猶說好官

篠碧剛府嘗
攝篆吾邑

聞道昔

年湯餅會老人曾作宦囊看

集中有兩箇嬌兒兩箇書
宦囊原自不空虛之句

題胡恕堂刺史

興仁

莊嚴無憂羅漢小照

人言選佛如選官得官容易成佛難我今見官如見佛手

如兜羅面如月一鉢一瓶夢中降靈魚山梵唄嗶嗶可聽

讀書早受孔子戒聽講妙解毗曇經拔茅者誰朝暮取包

甌萬里升 紫庭忽學戎韜侍武帳關西舊路不須訪妙

蓮在手憑指揮任爾天魔雨兵仗君以拔貢仕關中從征西域敘功擢官宰

官身現臨長安塗人抃舞邑人唱城西金勝古崇仁羅漢

五百列梵相一朝政暇遊寺中中有一尊笑相向好官卽

生佛慈悲心本同淨土自長淨空門原不空慧業我方愧

靈運善佞久已輕何充偶共清譚捉塵柄悅游蓮社陪遠

公八公德水灑已徧餘瀝更許分儒宮恆河布施豈有盡

秋成喜見農田豐我出一語衆休怪語雖不經願乃大不

知大千世界郡邑幾萬萬號寒嗥飢甚者或彫瘵富媪已

釋華館詩集

卷三

美

窮天公仍好生安得雨粟雨金廣霑勾書生迂闊欲救苦
無方惟有恣王之力大無外我乃地上爨蟲臣低頭遙向
世尊拜曾聞日月鐙佛不下三萬億又有旃檀海佛幾百
輩佛國清淨一無事聽法但赴靈仙會胡不盡遣弟子來
人間大者岳牧小者爲丞倅智刃決凶頑恣雷警鷲憤慧
鐙照幽遐甘露滋灌溉富兒無感懽貧子免逋債拙者日
遨遊秀者絕機械坐令閻浮提共登極樂界此願佗時如
可償此圖重披一何快得得和尚今豈無舐筆和墨爲我

一一畫

兩姑

鉗余口掣余肘兩姑下難為婦兩姑不同一盲一瞽舊姑
四更坐盲姑五更起婦臥止片時願得兩姑喜舊姑喜食
鹹盲姑喜食酸調和敬且謹懼失兩姑歡婦本儒家女事
難為不難苟得免咎過敢辭心力殫免咎過過不免一好
奢華一好儉此心自恨非轆轤俄頃安能左右轉

傷老

自知文字漸頽唐安得須眉不顛顛下筆渾忘昨日書回
頭忽記兒時事

檀華館詩集

卷三

美

題牛鏡唐方伯

鑑

桐月聯銓圖卽以送別

圖作於山東臬署

人品有清濁不以遭際論俗情未能免巖壑猶風塵卓哉
兩君子官廡為芳鄰晨出擁麾蓋夜坐念主賓科頭據幽
石綠薛鋪重茵捫髻忽一笑銜句清且新作吏此事廢定
非真解人

藩臣古岳牧任重倡百司忽移沛南月照我關西陲比年
困饑饉哀鴻勞撫綏政肅吏難犯令出民不疑口碑難具
述鑄入人肝脾無端動歸思飄然還拂衣仕宦豈擇地賢
若能見幾出門向西笑此意微乎微

坐衙判符牒夏日亦覺短閉門對琴書急境爲之緩況聞
涼州城名勝頗無算海藏大叢林中有逍遙館故里饒者
英野服足蕭散游賞春正深登臨心亦坦桃花紅滿窗菜
羹綠一盃此樂安可耽權作暫休澣黃鵠臨清池白鷗難
久伴所望霖雨人救此千里旱莫學還山雲將出意仍嬾

樾華館詩集

卷二

早

檀華館詩集卷四

蓋屋路德閏生

魏任軒明府竹閣撫琴圖

昔聞單父宰孔門人姓宓堂上七絃揮堂下萬人服政成
民不欺獻者夜猶肅絲桐詎有神感召如此速此馨和且
平不類箏與筑但蒼和平心已造閭閻福翻笑戴星人趨
公太勞碌石泉賢使君經濟貯滿腹從戎越雞塞學製決
鼠獄一朝爲宰官案上不畱牘山國本灾區逃亾半空屋
集澤憫罄鴻走險防鋌鹿鋤奸先吏胥赦罪省鞭扑暇日

檀華館詩集卷四

撫瑤琴移情自成曲竹裏泉淙淙松下風謾謾以此致休
祥坐使年穀熟正馨在天地元氣相往復呼吸來兩風俄
頃轉寒燠鄒子吹煖律豐黍變燕谷師曠奏清角雲生不
待族今夏蝻爲灾遺艱地中伏冬雪又愆期齊麥慘不綠
大吏祈無靈人心日窮蹙醉飽非所謀何以給飣粥請君
一再彈爲我召滕六

雙烈祠行

有序

莊浪副將韓公自昌武威人起行伍嘗從征金川
功最三省教匪之亂奉調援勦禽首逆洪道人王

三槐李應伏劉永貴嘉慶七年戰死於蓋屋之黑
胘膳山弟嘉業哈密副將從松制軍筠勦賊抵沔
縣有賊眾數千焚縣南羅家營百姓告急制軍遣
公禦之時城中無兵有蒼傷兵數百選五百人率
以往賊分兩路至偽元帥康二麻子尤趨悍諸弁
以眾寡不敵請全師而退公曰軍法有尺進無寸
退今制軍守空城方仗吾拒賊吾退賊必進沔城
危矣如制軍何如百姓何敢有再言退者斬遂躍
馬入陣疲卒不任干戈爲賊眾所蹙遂潰公方力

檀華館詩集 卷四

二

戰馬忽蹶旋遇害此嘉慶四年事也事聞 贈

振威將軍諡武烈 賜祭葬 御製碑文

敕於武威建雙烈祠後五年獲康二麻子磔之

函首至祠以祭

伯難兄仲難弟西賊當之盡披靡古有一韓今得雙各擁
嬾虎森旌幢莊浪哈密兩雄鎮士挽強弓手白刃敢將百
戰輕餘生每以偏師破堅陣楚蜀妖氛秦隴來邨落蕩埽
城垣摧白蓮不向水中出千朵萬朵山頭開伯也執受氣
咆勃誓將剪截搜根莖一戰奪隘塞三戰擒渠魁追亾越

谿澗陟險凌崔嵬自寅至巳戰復戰官軍不益賊有援殺
賊不少來者多惟見刀光閃如電力盡難教兵氣揚身死
猶令賊膽顫伯仲之功堪比肩仲也殉難三年前生平斬
馘萬餘敵大名久已題燕然賊欲殺之恨不得兩路來攻
亂如織疲卒五百賊四千賊反爲主我爲客馬蹶墜地坐
如箕猶自彎弓左右射願殲一身全一城官民間之淚霑
臆材官蔽公公不奔牽馬請乘公不間古有潰兵無潰將
斯言間自先將軍父增壽官俄下爾千總戰死於大金川入祀忠烈祠其臨危時云云先將
軍亦死疆場早以大義倡兒孫自昌子承澤官千總道光六年從征回疆陣亡於都

檉華館詩集 卷四

三

齊特

三世爲將古所忌如此節烈誰比倫秦樹迢迢接雲

棧賊巢盡焚賊羣殄傳聞兄弟結纓時一在盤屋一在沔
盤屋我桑梓沔在盤西南到今按堵仗誰庇兩將軍事吾
能譚雙烈祠祠雙烈天語煌煌在祠碣要將俎豆縣
千秋豈獨韜鈴傳世澤我歌未已三咨嗟願勸人間忠孝
家

老安司行 有序

滑縣老安司巡檢劉公名斌字簡齋咸甯人狀貌
魁梧長身而勇健善騎射間滑民聚眾作會曰種

根基嚴禁之不能止乃微服出訪至找塞聞鍾鐵
警呼其門不應僞爲迷路者亟叩之鐵匠唐姓者
出公入見新鑄刀矛無算不敢詰求指迷而出行
數十武有地窖入視之博者數十人諸袒裼者睨
其旁公問胡不博曰無錢與之錢使博博竟邀與
飲飲酣徐問曰此地有謀反者若知之乎衆愕然
曰客何來曰吾汴梁賈也因索債至此百衆曰老
安司劉公甚嚴厲言若洩吾儕無噍類矣速行無
多言取禍公卽謁縣令強忠烈公克捷告以故馳

檀華館詩集

卷四

四

赴郡告太守太守以其事無驗未之信也公返老
安捕鐵匠唐姓者拷問之唐曰吾所造形模皆自
林清來問清何人曰直隸教主也與吾邑謝家莊
李文成縣吏牛亮臣相往來久矣問清安在曰月
前已返直隸因反期既定特往糾其黨剋期內應
也問何期曰九月十五日同時舉事公密解唐姓
入城告強公次日天未曙公率縣役潛赴謝家莊
收文成與強公會鞠之文成大言不諱時亮臣充
縣庫吏家中并揜之一訊而服各加刑焉下之

獄公徑往文成亮臣家徧搜之得其黨籍時嘉慶十八年九月初二日也公謂強公曰亂將作矣強公迭發使告急於郡不應初七日黎明城門失守賊衆入公整冠衣短襟袍握刀出時公子嘉善從牽公衣公推之仆急出遇賊於通衢手刃二賊尋遇害嘉善亦見殺嘉善公次子乃繼室韓孺人所生第一子也孺人在老安知大禍不遠先期遣前室子寶善姪滋善避難於汴梁嗣得公決別書使家人積秫樓下四面環之是日午率所生女巧雲

檀華館詩集

卷四

五

子炳善達善婢春梅夏蓮同登樓燕樓下薪俱燔死又八日而清使其黨至京師突入禁垣幸

公早捨牛李潑賊不及待先期反不與清應清勢孤捕者就其家縛之牛李受重傷逃不遠爲官軍所獲餘賊悉平賊據潑九十三日大肆荼毒比大兵克復城已墟矣方公之始告變也去反期尚隔旬餘當時卽發兵臨潑按籍捨治隨飛章入奏不三日可達時清黨猶未集也出其不意分路捕之賊衆竄匿不暇惡得有九月十五日之變哉承平

日久官民宴安擾鋤棘種者包藏禍心相誘以利
相誑以神相激以勇蔓延數省響應成羣知者不
言言者復不見信卒令變起倉猝上勤 宵旰

戕官殃民勞師糜帑雖劫數使然亦人謀之不臧
也事聞 天語褒獎以知縣例議卹 賜祭

葬入祀昭忠祠雲騎尉世職以恩騎尉世襲因替
天恩渥矣公長子寶善襲職廕從九品迄今

二十餘年補官無期困窘日甚嘗餬口四方其父
母弟妹柩俱在潞不得歸葬噫諸賊逆謀敗露實

檀華館詩集 卷四

由於公公與強公同鞠賊同殉難強公子逢泰官
至監司次子望泰 賜進士入翰林改中書今
官同知公止一子長爲窶人同受 國恩而一幸
一不幸非命也與然公之功烈自不可掩余恐其
久而湮也作詩記其事俟采風者錄焉

刀光照日火光起一家八人兩處死公死潞城家老安身
家相去七十里誰倡逆謀人姓林爲外援者牛與李反期
未到公早知私鑄兵器公見之速獲二賊下囹圄股折三
木醫傷笞郡城不遠急相告縣令憂疑郡守笑光天化日

承平時安有萑苻匿羣盜城門開羣盜來填街塞路相喧
逐警言巡檢劉公在何處將取讎人之頭爲酒杯公廨門
不掩君子冠不免搏鷹呼一聲我卽劉巡檢揮刀殺賊竟
何益熱血俄將賊刃染賊分餘黨屠老安覆巢之卵安得
完烈燄逼人不敢近崢嶸惟見煙雲丹母子女婢火中盡
賊衆聞之轉不忍可憐仲子方九齡從翁亦向賊中殞天
狼星墮明天弧牛李授首林伏誅惜公斧柯不在手有謀
不用空捐軀強公之功公所爲

詔書下賁恩不訾強

氏貴盛劉氏困寢邱負米孫叔兒焦頭爛額列上座勸徒

檀華館詩集

卷四

七

薪者向隅坐章服雖榮難救貧且向荒年忍寒餓老安邨
風日昏官民禱祀封雞豚棠猶可愛況其子願將此情聞
九閭嗚呼誰將此情聞

九閭地下一慰忠良魂

題盧乙峰小照

瘦菊亭亭瘦石旁有人獨坐意徜徉任佗紅槿朝霞絢爭
似黃花晚節香

鸞唵鶴嘯半空聞手種琅玕灌溉勤說起文章憑指點此
心虛後便凌雲

最無警處最堪遊社酒治舊試幾甌莫羨巨聰聰亦病驚

眠爭奈蟻如牛鄙人盲廢時兼患百聽夜臥聞隔院人竊語及微步者衣履聲輒驚覺自丁亥戊子後兩眸漸明聰亦漸減今則如充百矣

錢

世人俄頃變恩讎翻覆交情最可羞我與孔方交耐久自來自去不曾留

題葆筠堂顏楊合璧石刻卷後

有序

顏楊合璧二卷邱叔山太守節臨楊少師書跋而勒之石者也並稱顏楊者何少師書爲平原嫡嗣卷首四種專臨平原封公西園先生并臨之各綴

檀華館詩集

卷四

八

跋語題曰合璧卷中希維居士景度子關西老農

虛白叟癸生癸父皆少師自稱也少師生於五季

天綱淖滴之日其家庭之際尤值萬難獨委蛇其

間非吏非隱若狂若癡與法侶爲伍嘗以詩柬惠

公署款云白叟和南幾乎全身倒入呼雒陽歌者

楊芒蘿爲姪女字以蓮修寫心經贈之皆知其白

而守其辱清其質而濁其文以故志業弗彰史不

立傳然其擬嵇叔夜琴操紫紆鬱悶累歛增獻黍

離麥秀情見乎辭自壽詩云廣武山頭歎汨羅江

畔釜隱然以越石靈均自況其跋有希應少微求
死不得之語斯其志亦可哀已太守家藏墨蹟傳
二十世歷四百餘載祕惜之不以示人後爲商邱
公所奪旋燬於火噫少師生前潛榮晦曜潦倒以
終雖以書名世石刻絕少世所傳者韭花帖外鮮
所覩聞其題於寺壁者久淪巨浸今縑素之傳復
遇燒劫丁夫王婦迭出爲灾豈神物義不污垢與
抑吉光片羽以罕而見珍也太守作書無論擘窠
大字蠅頭小楷皆縣臂雙鉤卽判公牘草家書亦

檀華館詩集

卷四

九

然子瑀瓛俱從余遊瓛始學書亦能縣臂副墨之
子與雒誦之孫與勉紹家學視佗人暝寫晨書者
用力寡見功多矣邱氏世習少師書封公尤酷嗜
之太守幼秉矩訓學之冊餘年不少倦得之手應
於心當未下筆時成竹在胸不泥迹象解衣槃礴
與古人精神時相往來此二卷乃其尚臨者卷中
詩賦皆曩所未覩太守題跋三則其文則駢其義
衷諸春秋可作史論少師當日苦心如探懷出月
萬人共見余雖未窺墨蹟流覽是卷少師之書若

或遇之且因此想像其人景慕無已由是觀之商邱之奪如塞翁得馬不如不得而赤水元珠固未嘗終遺也惡用離朱喫詬擾擾焉索之哉敬賦長句用紀崖略金鐵蒙大緹載六騎之上庶幾其千里云爾

對面人能作盜賊計賺蘭亭有蕭翼紛紛攘奪何時休祝融特向人間收賺者旋得亦旋失龍蛇蛻走邱遲筆懷中錦段豳且鮮挽下雲煙溷將濫論書苦戒摹吳興古法到今成廣陵執使用轉久不解搦管爲我談撥鐙

初晤時談撥鐙法甚

檀華館詩集

卷四

十

悉問公祕訣向誰授趨庭以外無師承上溯晉唐下五代少師遙接魯公派西園叟與關西農俱向書中通警欬學書須讀萬卷書此論創自肩山蘇我道公言僅得半撐腸不化非通儒儒生若不肄風雅萬卷在胸終是假從頭細數名家書何人不是能文者真本雖亾臨本新廬山面目今猶存卷中題跋洞元識豈惟書恣能通神回頭更與兩郎約須向文章覓眞樂未曾運腕先問心心力不強挽亦弱莫將野鷺來更雞柳家自有元和腳

夾竹桃

萬个交加綠映樽
千花絢爛笑迎門
蓄心更向天公乞
子滿枝頭筍迸根

六月菊

敢將傲骨對陶公也
向東籬護幾叢
可惜早榮還早悴
暑風不怕怕秋風

茉莉

沿街唱賣不嫌譁
撲鼻香間茉莉花
轉瞬又穿深巷去
筠籃喚入阿誰家

鳳仙

檀華館詩集

卷四

七

玉筍忍將凡豔
宛閨房夜擣笑聲
陪任作赤鳳生毛羽
不到麻姑指上來

晚香玉

撲盡蟲螽簾幙垂
三杯輒飽不曾醉
嗟詩須趁晚涼
天花正香時人未睡

千穗穀

一苗一穗田間穀
千穗如君未免多
願減君身三兩穗
添生農畝作嘉禾

向日葵

擢立修莖傲衆芳莫言生性慣傾陽天公漫遣花頭大頭
大如盤項亦強

黃雞冠

處宗窗下雨風寒猶向籬根刷羽翰不是談元能入道
將絳幘易黃冠

悼曾姬

有序
八首

曾氏名家秀四川中江人性機警善觀人意與家
人處無大無小皆悅之余之飲食起居尤加意焉
侍余二十一閱月以臙脹病死時道光丁酉二月

檀華館詩集

卷四

三

十一日年二十有四遺女小嫻未周歲屬先兄適
室陳蒼之

眞箇春風似剪刀軒窗一夜響蕭騷詩人福薄君偏妒不
許園中有絳桃

自顧衰羸感不禁年來幸免病魔侵起居安穩饗飽費
汝玲瓏一片心

悄悄窺簾款款來閨房咫尺接書臺窮愁正到無聊處一
語令人笑口開

去年眴望弄璋時墮地驚聞是女兒今日樞前唬復笑可

憐猶未解吾之

生女端應課女紅三慈原與阿孃同人閒自有乘龍婿物
色還須仗乃翁

書長人倦坐頻移夜臥西軒做舊帷夢不曾來鏡已去最
難堪處獨醒時

瑟絃已斷莫重彈匣鏡猶明未忍看自分此生應寂寞美
人易得解人難

對人從未見曠詞羣穉前頭笑語和料得明年寒食候六
如墳上淚痕多

檀華館詩集

卷四

三

書朱勇烈公傳後

有序

公諱射斗字文光貴州貴筑人父諱某務波營把
總卒於官公幼讀書貧不能卒業投筆入營伍暇
則出新以養母嘗寄居友人樓得古文數冊悅之
求士人剖其文理遂涉獵史鑑心知其義初從征
緬甸及大小金川廓爾喀貴州苗累功擢總兵

賞幹勇巴圖魯名號公沈毅敢戰兼通文事凡

牋啟陳稟及一切公牘文字皆手自起草初從征
卽受知於阿文成公在西域數年經百六十八戰

被九傷奪礮樓十二領積功劄十三次嘉慶元年
蜀民王三槐倡亂羣賊應之最著者冉文儔羅其
清蕭占國張長庚包正洪卜三聘張添倫辛聰張
世隴大肆蹂躪川東諸郡縣悉爲賊窟時公鎮川
北帥師先破王三槐於金峩寺寺故賊巢焚之進
克茨菇梁富成寨轉戰踰黃家山殺賊萬餘三槐
中鎗忝望溪邀擊之擒賊目苟文宰等三十七人
復又擒張碎膝等九人楊正富等三百餘人破冉
文儔於麻家寨鎗殺之蕭占國張長庚俱殲焉時

檀華館詩集

卷四

西

包正洪踞鄰水公督兵自萬縣馳赴賊屯戰康家
坪趙家場賊敗追之且追且戰擒李有隴孫成馬
官成莫以才正洪被鎗死賊大潰公感風寒病劇
以兵授提督七十五就醫夔州忽有陝西竄匪擾
通江南江經略額公檄公捕公力疾馳往連破之
賊望風逸聞張世隴屯草廟公率衆掩之斬獲無
算而經略將赴陝西檄公至達州公旣行賊乘隙
潛渡嘉陵江公急馳十餘里及賊後隊追戰三十
餘里斬獲五六百人乘勝至蓬溪高院場賊分奔

上山公督兵直上突有賊七八千人自山後出眾寡不敵公猶手刃十餘人遇坎墜馬歿於陣事

間照提督例議卹 賜二等輕車都尉世職

賜諡勇烈公在軍恩威並用節制嚴明賊畏

憚之嘗呼為朱虎又呼為朱判官歿後官軍常敗

賊於馬馳壩又敗之中壩又敗之薄刀梁賊有被

生擒者訊之僉曰方戰酣時驀見朱判官率兵至

皆驚惶失措故敗制軍那公彥成楊公遇春果勇

侯楊公芳嘗為人言之知其非妄公子樹襲輕車

檀華館詩集 卷四

五

使 都尉世職官戶部主事與德為僚今官河南布政

官軍擊賊避萬眾驚呼判官至判官冢墓高巍我罵

賊睚陽鬼猶厲歿後能教兵氣揚生擁貔虎誰敢當三十

年經二百戰駿烈早已垂旂常苗民甫平蜀賊起卜者煽

亂推王郎三槐羣盜間之應若響冉文儁羅其清蕭占卜三包正洪

辛聰張長庚添倫世隴三人皆盜魁金峩大戰功第一火蒸蓬根飛霹

靂巢毀難容妖鳥棲釜遊會見窮魚泣嘉陵萬里一江阻

公領偏師扼門戶川東擾亂西仍安何處白衣敢搖舫一

朝捧檄回旌幢乘機賊渡嘉陵江藩籬已決不可禦從此
賊勢如奔瀧一兵縱可當百賊兵不加增賊且豔追匹逐
北勞未休後山賊向前山出曾草家書誓結纓軍國任重
身家輕此身與賊勢難竝賊不殄滅吾不生嗚呼公言果
非妄免胄入師衆悽愴一軍蟻鶴人共悲萬古河山氣同
壯機槍蕩埽烽煙清罪人函首權爲牲 國恩稠疊獎

忠蓋天意更使蜚英警君不見豫州藩伯賢且剛

蔣小園

若愚

上舍招同徐朗山孝廉小集家園賦詩

以贈

檀華館詩集

卷四

六

酒醉君家不計觥家風猶是昔年清環階樹老經三世插
架書多抵百城下榻今陪徐孺子種花曾見蔣元卿吾鄉
亦有林泉勝欲結茆齋久未成

竹石居詩壽楊桂山方伯

有序

戊戌長至前有事青門館方伯署竹石居之南軒
對酒論詩檢書讀畫居旬餘辭歸鹿原時屆覽揆
之辰爰補作竹石居詩寄之卽以爲壽

軒窗四明茹納萬景有竹有石莫匿其影纖纖者竹君子
蒼之巉巉者石君子賞之竹穉而荒迺剔迺修石頑而很

使之點頭居者爲誰關西伯起百僚師師議政於此不聽
石言且觀竹笑朝日東升此卽壺嶠

蝶夢鞋有序

姬人爲余製鞋著之甚適鞋頭作蝴蝶樣問何名
曰此蝶夢鞋也愛其名蘊藉而於鞋無所取義例
以飛雲蹋青弗可解已曲爲之解未免辭費姑以

小詩記之

書坐不曾來一夢夜眠卻又脫雙鞋花時忽見兩蝴蝶
栩伴人同上階

檀華館詩集

卷四

七

段小松荷莊消暑圖

竹籬茆舍休嫌隘坐擁琴書心自快但把塵緣一掃空何
人不住蓮花界

擬架涼亭向水濱霜鷗雪鷺共爲鄰我今猶是塵中客何
日方爲畫裏人

瀛臺炤爛與雲齊菡萏淩淩波柳蔭隄寄語西園貴公子嗚
珂好向禁城西

壽李柯山廣文

苜蓿堆盤得異香八旬猶自伴書囊泮宮水滿芹仍綠
艷

縣泉甘菊又黃人仰師儒稱大老天無風雨近重陽諸公
臺省如相問惟有閒官歲月長

酬曹荅舫大令惠瀆玉尺

高天孰可忖躔度能推詳大地孰可算章亥窮遐荒手提
金粟尺萬象森在旁但愁天下人熟視心茫茫蠲龍互伸
屈龜蛇爭短長短長詎有定伸屈原無常愛憎一顛倒孰
分否與臧君昔宰百里遠在天南鄉崗谿少獷悍熨爨消
講張此心自有尺妙用精毫芒胡爲召巧匠斲玉如截肪
度之不盈咫摩拭生輝光念我誨多士雅具充文房感君
檀華館詩集卷四

大

語鄭重對此增彷徨量才豈容易分寸先自量

哭吳蔗鄉夫子

道光十有七年夏六月癸酉鄜州直隸州知州署
興安府知府蔗鄉夫子卒於官八月壬申柩抵西
安寄城南薦福寺僧舍盤屋路德以門下士忝列
姻親爲詩七章哭於柩側其辭曰

招魂難到漢江澗楚些唵添宋玉悲屋賃數椽依佛界桐
枯百尺臙孫枝藥靈不起高年病米盡誰爲巧婦炊慟絕
一家千里外時眷屬猶在鄜州竟無人見蓋棺時

抱甕無端到漢陰

先生以鄜州牧攝興安郡守甫三月即卒

南山迴望北山深

雙鳧久脫身仍健五馬纔驅病忽侵貧不因廉真快論老

猶作宦豈初心傳聞屬續衙齋日尚有奴星忍覆金

一官不調十年過閱盡炎涼笑語和識定甘居能更後情

深常覺好人多公門枉自栽桃李野服無緣製芰荷聞說

跣趺端坐逝前身應是石頭陀

別有胸中一段春俸錢散盡不知貧填門估客爭催債滿

座高朋笑飲醕判牒如飛晨鼓動看書得味夜鐙親問誰

飽聽西窗語三十年前立雪人

檀華館詩集

卷四

九

先生作吏似遊仙眾口交推刺史賢大事能謀胸有竹清

談入妙舌生蓮送行薦福渾如昨

先生赴興安日德等送至薦福寺即今日停柩處

也處召對延英僅隔年

乙未夏先生俸滿入都特蒙召見遙望靈旂

齊墮淚不才況復受恩偏

昔隨鸛鶚薦清秋浪迹於今伴白鷗曾坐春風遊渭涘每

看明月憶鄜州師恩未報門生老輿誦方興宦局收欲卜

牛眠何處是杜陵煙雨暗松楸

十歲童孫總角雙

去秋長君亞農病革以子福先為託亞農卒德以兄女字福先讀書先

為息紛唳飢寒若到安能救擔荷難辭強自扛早信循良

宜有後誰言魍魅竟難降
殷勤寄語三孀婦
好和熊九伴
夜窗

輓劉星堂參軍

花下清樽逐勝移
參軍好客動人思
亭臺如畫來何晚
不見龍山落帽時

曾訪成連海上山水仙
逸響落塵寰
人琴此日知何處
應在嵯峨紫翠閒

學舍修成厦庇寬
應憐負士讀書難
邨中多少陳經者
都作君家子弟看

檀華館詩集卷四

干

七業傳家永不怠
表旣定見後人昌
要知哺養均平意
讀取鴟鳩第一章

君生丈
夫子七

題陸楷山剛府小照

竹中細路巒復巒
紅蓮深處蓮舟還
主人愛蓮兼愛竹
礙舟礙路終當刪
靜觀物情得政要
欲培善類先鋤姦
符牒堆牀日鮮暇
此身如在江湖灣
江南名勝足遊眺
散人沉有天隨閒
一朝筮仕莅關輔
腰佩銀印紆青綸
從軍曩日到西域
奉檄幾載行南山
政成上考宰劇邑
夢寐時復遊仙
寔意中之園構
不得爲我寫意呼
荆關科頭揮扇好風

至坐對錦石紛爛斑世間富貴萬人享惟有清福天公慳
忝也三年住橫舍往來橋上聆潺湲醅醉我兩眸眩吐
茵欲去勞牽扳籠中時分上藥貯廚下疊見珍餼頒駕馬
豈不感維繫駕車自慨筋力孱羈勒在身不早謝僨轅行
且騰嘲訕此去潛蹤向東鄙獨開幽徑榛菅平原十日
會難再嗟峨西望餘青殷使君與我有同好安得置身圖
畫間吁嗟乎安得置身圖畫間坐間琴籟開心顏

書馬虞操

大韶

傳後

大道豈終隱藐躬都可擔學焉不能入半坐暝與貪卓哉

櫻華館詩集

卷四

三

馬夫子皎月澄秋潭兀然坐一榻遑問儲與儻眞樂慕顏
孔闊論排莊聃嘗謂聖賢書有如絲吐蠶蜘蛛亦有絲紉
鍼殊不堪鑿偏墮重翳學淺無深談經生與文士今古相
誦誦又謂少壯日讀書忘寢寐初如苦菜苦卒乃甘蔗甘
須知最甘處苦中元早含躁人之所棄靜者徐爲探至味
入九藏舌本香醃醃旨哉先生言大義吾能諳所惜幼學
誤雕蟲空自慚今日講學者門戶分北南陸王有夙好濂
洛非所耽先生竝師之一心聊互參非譽兩不顧勝概森
層嶷令子睂早白壯歲衫猶藍科名豈足道老學今有庵

插棘護蘭蕙抱甕澆樟柑金璧信非寶寶此書一龕

題郭藕船唐人善業泥拓本

何人佞佛鏤佛像坐令尺土開精藍面列三行字十二楷
汰頗似師河南吾鄉珍寶富山數周秦舊物靡不有吉金
樂石難具詳甕包駝載東南忝弁山尚書徧搜索竟有遺
珠沈未取後來遊者拾得之一朝又入郭熙手嵯峨雨過
秋色佳拓本示我雙眸指三十六相但髣髴淨土幾歲遭
沈埋吳畫楊塑不可見對此聊可開幽懷昌黎闢佛諫迎
骨訂交方外念形骸文人好古足清玩豈學蘇晉甘長齋

櫻華館詩集

卷四

三

惜哉挫角字缺一鍊石不用勞神媧大唐二字恰連綴斷
璧湊泊同詩牌玉卮無當世猶警得鼎折足占者止人間
缺陷長苦多巧合安能盡如此披開忽然憶曩慈恩塢
下尋幽往秦人熟視竟空還吳客今來愜新賞人失人得
無町畦員穹方輿大且廣太倉稗稻來吳闡京師十載霑
芳香羅紈綺繡更精絕西人之子紛盈箱百貨雜甬不遷
地先聖何苦爲車航老夫才盡句難警歌詩不類慚東陽
案頭笑指舊筆墨二物亦是南人將

寄牛鏡唐制軍時居請室

鯨鯢攬海海氛惡承平日久官軍樂經年恨不聞捷音屢
報東南將星落虎門廈門閩粵吭何人指盜摧藩牆吳越
財賦甲天下狡寇趨利貪如狼茫茫海面大於地開兵
少難爲防長江天塹限南北海門咫尺通帆檣潤州已據
我心腹直擣金陵如破竹憶昔守汴登危城三板不沈坐
垂足河伯面目終自旋島夷氣燄誰能伏墨子設機難拒
攻魏絳愛國姑和戎疆臣失地咎難委圖戶深居肉生髀
前有櫟園周櫟園書影在請室時作也後望溪前輩鉅公曾在此公之
惠政畱三秦顛呼更有中州民萬家祈禱必有應茹檐人

櫟華館詩集

卷四

三

語天應聞坦懷沉復無一物豈以煩惱攪心神黃霸定有
夏侯契田甲敢觸安國瞋故人天末念君子燕臺北望日
延企天下安危須早圖驕虜方張勢未已倉猝變起誰削
平文成不作阿公桂昭勇死楊公遇春杞國憂深將奈何臣甫憤
切聊復爾秦山萬里金天秋海藏叢林公舊遊貫索星
貴人出早晚喜鵲鳴獄樓

鄭女

渭南生員鄭敏純女適貧家夫出外有回人來索
債見女調之女忿而自經

敢以腥羶逼魂歸縹緲雲此身誰肯擲穢語不堪聞
莊嚴誰敢犯一旦赴泉臺羣鬼翻然避香魂冉冉來

論文

胸中五嶽鬱難平萬竅調刁各自鳴若道江山能助我文
章安得左邱明

飲王小樓伴畔樓

觀稼最宜樓禦雨莫如瓦小樓豈區區時有清風灑花木
紛四圍有舍場師檟耕讀課兒孫卽此是弓冶冬曝南榮
前暑臥北窗下高朋時往還唱和殊不寡我生今倦遊乘

櫻華館詩集 卷四

十四

興亦聊且久悟蟲能蟲今知馬非馬感君移酒肴論詩進
三雅後會當有緣付諸造物者

題高金門效顰草

不誇綺麗任天真卻說東家強效顰領取卷中清意味先
生畢竟效何人

滄海明珠老竟遺眼前簪拔見孫枝秋風送到登科記正

是重陽對酒時

事載卷首吳柳塘序中

軒開芝嶼卽商山賓主高歌醉解顏四皓舊從圖裏見誰

知杖屨在人閒

事詳芝嶼草

蜀郡長畱去後思池陽佳政口爲碑官箴早向孫曾說歎
息曾唵猛虎詩

集中猛虎歎非歎虎也
仁人之言其利博矣

溫烈婦辭

有序

三原溫學博樹璿繼室楊孺人幼讀女箴少長通
毛詩內則解唵咏嘔季流賊之亂家人穿地室爲
避賊計就成衆喜曰入此室可免死矣孺人曰我
能入賊亦能入恐求死不得也人各有志幸無相
彊賊至舉家驚慌連裳接襪而入獨孺人不懼安
坐如常學博彊之入不可學博逃有老僕叩頭請

檀華館詩集

卷四

五

之不聽俄聞鄰舍號呼聲孺人曰將及我矣奮身
投崖下不死匍匐入水水淺不能溺乃以頭俛泥
沙中氣閉而死事載三原縣志及陝西通志

舉家休慶鑿坏成何處深巖可避兵不是妾身藏不住婦
人生死要分明

欲沂江流訪孝娥泥沙浣面首鬢髮憐佗粉黛人如玉畏
死翻教賊馬馱

殺賊無方恨不平此身那許汝曹攫幾人戰慄幾長跪君
聽鄰家慘咽聲

高原中斷兩城分城下清波絕點塵一樣芳名俱不朽修橋也是姓溫人

山陰杜貞女詩

有序

杜稼軒比部長女字同里張魯封孝廉次子以均年十六而夭女年十三以守貞自矢越八年鄭夢白方伯將爲其孫聘之女聞之截一指以酬意以均兄以培作貞女行百二十韻敘次極詳孝廉感女貞烈議涓吉以迎同邑童肖軒爲作徵詩引並寄書孝廉仿德州盧相國貞女歸賈氏禮不沿世

檉華館詩集

卷四

美

俗抱主成禮故事士論躉之

曹娥廟前江水清雲幢煙節來杳冥邯鄲之碑舊所讀人閒又見閨中英張家郎聘杜家女未婚郎天女心苦地下薦螳知有時臺上吹簫已無侶亭亭玉樹鄭公孫伐柯者誰初到門要言未定女先覺此事旋踵難重論形骸爲輕名義重抽刀斷指指不痛血迹淋漓觀者驚兩家號哭春雷聞從此紅絲不再牽暎日卓午空雲煙送迎特仿相門例髭髮定續鄘風篇昔歲東南海氛急虎門指盜廈門入礮車一震舟山搖巖城立破同覆巢艱難惟有會稽郡江

上連營賊不進豈真地險絕攀躋只仗人心少瑕豐鄭公
拒敵能將兵杜女守志如守城議婚不諧鄭公喜從今桑
梓流芳馨願將此事白諸將巾幗須奮豈相讓但使心如
金石堅何處魔天雨兵仗會稽南望雲迷離清風颯颯
人肌既得通儒遙議禮童肖軒更勞大令頻催詩陳式甫時尹宜君
老夫病久困詩債此債不了心難欺濡毫奮勇賦長句黃
絹深愧前賢辭

題高希之

學瀛

同年希齋集

嵯峨聳蒼翠清谷流縈紆此中有佳政卓哉高達夫

時公子子

櫻華館詩集

卷四

七

良明府攝三原縣事

治譜問誰授鯉庭當日趨開篋出先集六卷光

瑤瑜古文尚簡切正襟談不迂詩歌見真性下筆芟繁蕪

帖屹感骨肉風雨懷朋徒滿腔貯生意飄然飛雙鳧士民

與牧令歡若同堂居春雨灑郊畛萬卉相涵濡訓子廿五

韻字字垂範模清勤貫以慎古今如合符蜀秦遠相望前

後棠陰敷一朝動歸興鄉味思純鱸季子更奇特天籟鳴

笙竽想見政成日蚌老生明珠

子良以季弟詩文相循良質問其年方十五歲

後必大佳氣充門閭卽此悟堂顏凡事畱有餘

畱餘堂記見文集

哭奎石甫

名麟鑲白旗漢軍舉人宰襄陵署留壩廳生補保安令

檀華門下客交久莫如子相識秀才曰鴛鸞謝棘枳秦晉
試烹鮮兩處政馨美一官速之負負極忽然死骨肉隔雲
山含殮竟誰視區畫周織毫鮑叔信知已謂鮑子周子年生前道
義交今日賴有此恨余迫窮老有子官如水宿逋甘代償
巧婦炊無米勁草凌霜颯雄劍出泥滓傳語兩賢郎磨鍊
從今始

汪烈女辭

烈女廩生汪金城之女辛巳舉人舉孝廉方正今
四川州判張鵬翬之聘室也嘉慶二年教匪張漢

檀華館詩集

卷四

五

潮大肆殺掠女隨父母避賊於賀家壩賊至殺金
城虜其繼妻女號泣厲罵賊曳至空房誓不入賊
以廚刀殺之於房外鵬翬收葬之事平大府請於
朝旌其墓興安府志及安康縣志皆有傳

和闐玉猶可切干鏢劍猶可折女兒之心硬於鐵君不見

汪氏女賦性一何烈解一女字張郎貧未嫁生長閨中不解

罵粹與賊遭賀家壩千夫股栗女兒不怕解二賊很如狼毒

如蠶阿孃見辱爺遇害蒼蒼者天覆如蓋女與賊不共戴

解三女兒欲殺賊恨無刀與矛女兒欲誑賊隻身孰與謀爺

孃之讐不報不肖休大罵賊無良白刃吾敢當四女兒貌

如花罵賊賊不怒罵聲益高賊轉慕曳入空房女不赴白

日照單扉女兒死有處女兒之身任汝斲萬斷女兒之足

不可移半步五賊拉女手罵聲在口賊斷女頭罵聲在喉

女兒不死罵不止爾賊之技止於此六張家灣張家郎女

兒此事郎心傷女心亦何傷傷不救爺與孃七願為烈火

燒賊巢願為猛虎搏賊而咆哮更願為飛將之利鏃健兒

之寶刀洞賊之腹截賊腰賊肉不可食八雷飼鴉與梟八大

讐既報女兒一笑然後下窮黃泉上碧霄尋見爺與孃再

檀華館詩集 卷四

完

拜泣相告九 詔書下旌為女兒榮郡乘有傳為女兒

名文人濡毫為女兒寫生嗚呼世人誰不死女兒之死何

分十 酬古來好男兒不似女兒膽心中罵賊口不敢被賊

驅脅隨賊轉玷我衣冠污青簡愧生於中面猶靦側聞汪

烈女兒事得無報十一

雷別王小樓廣文

僕馬戒已久將別仍徘徊感極苦難報高義山崔嵬念我

盛徒友鳩工羅眾材樓閣起平地洞達重門開卜居喜聞

曠野步天恢恢有廡不須賃得酒還互陪坐席未及煖聘

使更番來欲住不由我衆論紛喧
魚豈爭上流水勢驅之回鷓豈甘退飛
風力爲之催千金諾未踐五字詩難裁
輞川在尺咫空羨王與裴此行問安往
言指清水隈清水久倦遊遙望翻黃埃
再來訂何日迎歲開早梅臥榻幸勿
徒待我嘗春醅

愛妾換馬

愛爾能追萬里風美人不減貳師功
舞衫歌扇淒涼後月鏡霜鞍顧眄中
拌得閨房無粉黛肯教兒女誤英雄
迴頭卻把重瞳弔騅馬虞姬一例空

檀華館詩集

卷四

三

茅店婚

有序

太原某翁賈於滇攜其女北歸女乘羸翁徒步隨
其後行貴陽山中憊甚休坐崖上獵者十餘逐巨
狼突而過翁驚墮崖下女號呼獵者不應奔益疾
女下羸臨崖俯視見翁臥澗中呼救甚急澗陡絕
女不能下循坡陀細徑紆曲而往就之良久扶翁
上已失羸所在行李俱杳翁傷股不能行與女相
抱哭忽見一少年乘肩輿至從數騎止而詢其故
翁具以告少年下肩輿扶翁坐其中命二僕徒行

以一羸乘女一自乘行十餘里至茅店中召醫療
翁股痛止謂翁曰姑少休吾當送若歸無憂資斧
翁感甚問其行乃嶺南諸生遊幕黔中者將歸而
議婚也時女猶未字翁授意逆旅主人主人以告
少年少年喜曰遂合昏焉居無何少年備輿羸
選健僕送翁歸太原翁女痛哭而別

壁鏗無燄照雙棲昨日荒崖掩袖哢澗道豺狼是媒灼天
涯兒女忽夫妻縱無筓酒

貴州佳釀久藏
窖中者曰窖酒

盛瑤琴定有山

花壓翠笄口惜堦鄉南海畔思親北望黛蛾低

檀華館詩集

卷四

三

閻省軒封翁

鐵

蒼梧園授經圖

并序

道光壬辰冬余館千戶邨湛華書屋省軒封翁率

其子敬銘敬輿自朝邑來將執贄門下銘年十五

輿十二余爲其幼也未敢諾翁曰其師吳先生行

且至矣誦讀事吾與渠任之講經談道改竄文藝

請以煩先生已而吳先生至如翁言居二年余移

硯會垣之文獻甚又移講關中書院吳先生不果

來來者陸先生亦率其子嵩嶠受學於余凡所需

翁悉供之與銘輿等其尊人鶴齡先生華州名宿

翁之受業師也翁事之終身爲置田宅營喪葬嫁娶今其子其孫賴翁之力以養以教五十餘年於茲矣嵩丁酉拔貢生嶠亦遊泮翁薦嶠於姻家某爲句讀師而延嵩於其家課銘子喆輿子旣餽以脩脯八百金其與人之壹類如此翁有質庫五俱在蜀中江一佗郡縣四皆自中江庫分設君出貲少許集合諸戚族及孀婦孤子之不能治生者君代爲營運使永無缺乏統計四庫貲僅足抵中江之半君閒歲一往徧歷諸庫歸恆半年在家半年

檀華館詩集

卷四

三

在館與諸人談文藝是非得失動中宵寤雖健於文者不能屈銘輿所讀書悉由翁口授旣成誦必陸續溫習不滿千徧不輟也任舉一篇卽應聲背誦如下水船館中數十百人無不驚歎余之教銘輿也如桔槔挈水日浸百畦見功多而用力寡使吾鄉爲父兄者悉如翁用心檀華館門下玉樹成林矣翁少從太翁慎齋先生遊於蜀太翁乘肩輿翁徒步隨其後習勤怠倦精力過人太翁卒伯兄子溫公有左邱之疾翁獨肩家政往來秦蜀閒以

善賈聞而所志實不在此稍暇以讀書自娛尤篤信六經研究其義旁涉文史及醫卜諸書舊宅爲河水齧別更爽塏起新宅既落成謂銘輿曰宅可鬻質庫可毀書不可不讀但世世有讀書人吾幸矣又嘗語余曰財者爲善資也若但以黃榜紫標爲贍身計縱富如陶朱猗頓吾無取焉吾所以爲此者以書香化銅臭曰達哉翁乎其於肆事之盈虧家產之肥瘠如鶴雀鼠蟲之過乎前惟子孫力學勵行爲平生大欲之所存視世之專務封殖不

檀華館詩集

卷四

三

恤其佗者識趣別矣丁未中秋夜中江庫不戒於火火自庫中指出顧聞烈燄四起全庫灰燼不遺一椽剛曰質物者爭操券至填街溢巷譁於縣門官懼其激而變也令償價如例計繕鏹六七萬舊領官庫及貸買人子母金約五六萬傾四庫償之不足悉索其家償之仍不足而家中之責逋者絡繹至諸戚族及孀婦孤子之仰給於四庫者羣號吽於翁之室翁無以應也夫消息盈虧天道之常貧而富富而貧亦人事之變也然其衰耗也以漸

或數年或數十年從未有俄頃之間出金穴登債
臺如翁之速者天之厄翁也亦甚矣時敬銘己以
乙巳進士入詞林館課諸作傳誦曰下散館改戶
部主事素有兼人資文章詩賦外余教以案牘文
字批卻導窾動合機宜舉而措之郎署裕如也敬
興登癸卯賢書嘗抱病數年研精醫理今痊矣復
理舊業矣兩孫讀書一堂聰穎頗似其父曩所謂
銅臭者今既化爲烏有而書香滿家經久彌茂翁
之前言驗矣大欲償矣又何憾焉舍魚而取熊掌

檀華館詩集

卷四

十四

飲食之人類知之今反以熊掌易魚耶傅之翼者
兩其足烏之奮翼而飛也凡不能飛者莫不羨之
今反羨不能飛者耶若翁者其亦可暢然自適樂
而忘其苦也已家有園曰蒼梧課子孫其中今繪
蒼梧圖授經圖將徵題詠先以示余余交翁久知
翁最深自不能已於言爰綜其生平而序之并繫
以詩

省翁蒼子如蒼梧拱把蔚起凌雲株更喜孫枝秀且挺鳴
鳳遠召丹山雛人事成虧兩相倚黃金不纏文士軀炎官

彤幃自空下出入戶牖升樽櫨樂巴杯酒那可喫坐看瓦礫堆街衢世情翻覆只俄頃萬人呼嘯如追連雖有田廬價不敵困窘到此間者吁天公畢竟識翁意盡燔金貝渾留書不似秦皇縱虐燄百籍灰燼成邱墟書中鴻寶世希有山淵詎止藏金珠吾鄉陋儒憚披誦動拋經訓求菑畚古人餉我我不受眼中但見飛青蚨丈夫窮達孰可料猥以貧富分榮枯高南山有時盡惜哉銖積寸累空勤劬不然世閒竄人不知幾萬億豈皆城門失火殃池魚萬事都作一炬看萬卷只憑方寸儲乞假不得劫盜阻坐臥同

檀華館詩集

卷四

三

榻行同車縱使文字不工吏才短書癡畢竟高錢愚吾徒況有不朽業度支雖匱歡有餘我詩未免忤人聽書生之言狂且迂園居者誰睹河洛碧梧滿院青陰鋪翁乎翁乎信知我披圖一見應軒渠

附詩餘

壺中天

題龔梅巖菜葵琴竹圖時方解組南歸

此腹便便算年來消得菜根多少玉粹冰甜堆滿甕富貴
幾人能齧芥已生孫菌還有妾四季登盤早郡齋無事食
單翻出新橐怪爾拔薤儒生獻芹田父簇簇遮官道臥
轍攀轅畱不住歸去且盟鷗鳥蕪浦秋風韭畦春雨夢裏
江南好侯鯖滋味嘗來原不須飽菜

園葵拔盡問公儀廉吏何須爾爾大葉麤枝森獨立勝概
櫻華館詩餘

居然豪士粟散勻嵌蓮房倒繫結得青青子蠻邨桂醕風
流今在桑梓細數花縣栽花柳州種柳灑落眞無比三
徑未荒歸去好依舊鋤攜鴉鶩露下香清日邊影直此老
心如此幽詩圖就晚涼攤向書几葵

鳴琴十載聽循警驗取七條絃上忽掉扁舟辭宦海消受
煙霞供蒼指汰微參牙音靜悟總是清閒況仙謠奏罷此
身疑到崑閬最好一鶴隨時孤鴻送處斗覺襟懷暢綠
綺攜來泉石畔差勝酒樓歌舫蛙鼓遙聞蚓簫慣和幽
時傾向箏琶聲裏當筵多少惆悵琴

最堪游處恰宜煙
宜雨宜風宜月
食肉何須誇燕頰
忍與此君輕別
千畝非多數
竿亦可襟抱同幽絕
高唫未已滿庭都是蒼雪
迴憶銷夏亭中鳴秋窗外
幾度炎涼閱勁綠巖青長似舊
不共羣芳消歇
雛鳳能飛
釋龍又長玉筍齊成
列主人一笑平安來報時節

竹

釵頭鳳

珍珠箔流蘇
幕多時不下
穿鍼閣秋宵
永離魂耿
蒼聲纔住
雞聲又警
醒醒

風濤惡扁舟泊
金錢算準還成錯
人方靜殘釭影
薰鑪重檀華館詩餘

二

換繡衾重整冷冷冷

菩薩蠻

戲題吳亞農畫扇

筠籃小摘零星朵
露痕細綴珍珠顆
鏡裏見檀郎
替簪雲鬢旁
鬢雲嬌欲墜
花氣薰人醉
寶帳掩重羅
香中春夢多

滿江紅

元夕行次咸陽登鳳凰臺舒嘯

爆竹匆匆看雲際
電光飛掣更一路銀華火樹翦裁
工絕

平地雷聲牛虎鬪萬人海樣魚龍突聽鼓鏡打出太平歌
歌佳節繁華事早春雪團圓會今宵月問臺空鳳去炎
涼幾閱秦國山川餘燼在漢家宮殿秋煙滅儻采雲深處
紫凰來乘風謁

滿江紅

題魏蔗門吳山觀濤圖

廿載風塵恨不見廣陵八月聽一夜狂飆驟雨奇情鬱勃
誰似先生遊萬里扁舟老作江湖客到錢塘獨上最高峰
雙眸豁遙汀外鷺鷗宿重淵底魚龍伏驀濤頭一綫銀

櫻華館詩餘

三

山壁立奔馬難平吳相恨騎驢莫訪韓王迹盪心胸卽此
悟文章昌黎筆

再傳弟子朝邑閣迺林校勘

